

All in for Kids

Txoj Kev Pab CLTS Tsab Ntawv Xov Xwm Rau Tsev Neeg

All in for Kids (Tag Nrho Rau Me Nyuam Xov Xwm): Txoj Kev Pab CLTS tsab ntawv xov xwm yog tsim los faj seeb qhia rau koj thiab koj lub tsev neeg txog cov kev pab txhawb thiab kev pab cuam uas muaj los ntawm Txoj Kev Pab CLTS. Tsab ntawv xov xwm yog tshaj tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).



Kauj Ruam Plaub ntawm Deciding Together (Kev Txiav Txim Ua Ke): Kev Tsim Muaj Individual Service Plan (Lub Tswv Yim Npaj Txhawb Tib Leeg)

(Step Four of Deciding Together: Developing the Individual Service Plan)

Txoj Kev Pab Children's Long-Term Support (Txoj Kev Pab Txhawb Rau Me Nyuam Mus Ntev) (CLTS) yuav siv txoj hau kev muaj ib pawg neeg sib koom hu ua Deciding Together (Txiav Txim Ua Ke) los txiav txim siab. Nyob rau hauv txoj hau kev no, koj yog tus tswv cuab tseem ceeb thiab tus neeg paub tshaj txog koj lub tsev neeg cov hom phiaj, cov ua tau zoo thiab cov kev tu ncu.

All in for Kids (Tag Nrho Rau Me Nyuam Xov Xwm): Txoj Kev Pab CLTS tsab ntawv xov xwm yuav txhawb koj hauv qhov txheej txheem Deciding Together (Txiav Txim Ua Ke). Cov ntawv xov xwm dhau los tau tshaj qhia txog:

- Kauj Ruam Ib: Sib tham txog cov ua tau zoo, cov kev tu ncu, thiab cov hom phiaj

H

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

- Kauj Ruam Ob: Tawm tswv yim zoo txog cov kev daws teeb meem
- Kauj Ruam Peb: Ntsuas cov kev taug

Tsab ntawv xov xwm no yuav piav qhia kauj ruam plaub: kev tsim muaj Individual Service Plan (Lub Tswv Yim Npaj Txhawb Tib Leeg) (ISP). ISP yog ib qho kev npaj tshwj xeeb ntawm cov kev pab txhawb thiab pab cuam rau tus me nyuam thiab koj lub tsev neeg.

Hauv kauj ruam plaub, pawg neeg ua hauj lwm ua ke los txiav txim txog cov kev pab txhawb thiab kev pab cuam thiab txheeb txog cov tes luag num thiab cov hauj lwm, xws li:

- Kev txheeb txog cov hom chaw muab kev pab uas lub tswv yim yuav siv tau. (Piv txwv, leej twg yog tus yuav muab kiag qhov kev pab?)
- Kev txiav txim txog qhov chaw thiab yuav muab cov kev pab heev npaum li cas. (Piv txwv, puas yuav muab cov kev pab ntau dua ib zaug ib lim tiam twg?)
- Kev teeb tsa cov caij nyoog. (Piv txwv, yuav pib muab cov kev pab thaum twg?)
- Kev txheeb txog cov tswv cuab cov tes luag num. (Piv txwv, leej yuav hu cuag lub chaw muab kev pab mus teem kom muaj cov kev pab?)

Qhov ISP yeej yooj yim tas li. Koj yeej thov tau kom muab lub tswv yim hloov txhua lub sij hawm yog koj xav tias cov kev pab tsis ua hauj lwm rau koj lub tsev neeg los sis yog koj xav kom hloov. Lub tswv yim yuav daws tau ib txoj kev tu ncuam tam sim no thiab kho hloov tau npaum li cov xwm txheeb hloov mus, los sis tej zaum nws yog tsi kom ua tau ib lub hom phiaj ntev rau ib tug me nyuam.

Nws yog ib lub tswv yim zoo yuav tau rov xyuas txog kom paub tseeb tias koj yeej nkag siab cov ntsiab lus, xws li:

- Koj yuav hu rau leej twg yog tias koj muaj tej lus nug txog cov kev pab?
- Lwm cov tswv cuab hauv pawg neeg sib nug moo nrog koj heev npaum li cas seb lub tsev yim puas ua hauj lwm?
- Koj ua tau dab tsi ua ntej lub sij hawm teem txheeb tom ntej yog koj xav tias lub tswv yim tsis ua hauj lwm?
- Yuav muab cov kev pab rau qhov twg thiab thaum twg?
- Hnub twg yuav pib muaj cov kev pab?

Yog tias muaj tej yam hauv qhov ISP uas tsis meej, tso siab nug kom tus support and service coordinator (kws tswj xyuas kev txhawb thiab kev tu xyuas) (SSC) piav kom meej. Nco ntsoov, cov koj tau ntsib, koj cov kev xav thiab cov kev xaiv muaj nuj nqis. ❖

Yuav Ua Li Cas yog Koj Tsis Pom Zoo Nrog Txoj Kev Pab CLTS Txoj Kev Txiaiv Txim

Qee lub sij hawm tib neeg yeej muaj cov kev xav sib txawv. Txawm yog yeej xav rau qhov zoo tshaj plaws los yeej tseem muaj taus cov kev tsis pom zoo. Piv txwv, koj lub tsev neeg thiab tus SSC yuav muaj cov tswv yim sib txawv txog kev pab txhawb rau tus me nyuam kom ua tau raws lawv cov hom phiaj. Yog pawg neeg tsis pom zoo, nws tseem ceeb yuav tau sib tham ntxiv. Sim piav qhia qhov laj thawj ntawm koj cov kev xav.

Yog sib hais tsis muaj kev pom zoo, koj lub tsev neeg muaj txoj cai xaiv lwm cov kev taug, xws li:

RAU KOJ NCAUJ LUS QHIA

Xav tau cov ntawv xov xwm uas piav qhia cov kauj ruam ib txog peb ntawm Deciding Together (Txiav Txiam Ua Ke), mus rau www.dhs.wisconsin.gov/library/akids21.htm thiab nias cov chaw txuas mus rau cov ntawv xov xwm rau lub Ib Hlis Ntuj, Ob Hlis Ntuj thiab Tsib Hlis Ntuj. Cov ntawv xov xwm yav tom ntej yuav sau txog cov kauj ruam tom ntej. Muaj cov ntsiab lus txog qhov txheeb txheem Deciding Together (Txiav Txim Ua Ke) nyob rau ntawm www.dhs.wisconsin.gov/library/p-02246.htm.

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

- Zwm ntawv teev kev chim siab mus rau lub cheeb koog. Xav paub kev zwm, hu cuag koj lub cheeb koog Health and Human Services Department (Tuam Tsev Tswj Xyuas Kev Noj Qab Haus Huv thiab Pej Xeem).
- Thov kev txiav txim dua hauv Wisconsin Division of Hearings and Appeals (Fab Tswj Xyuas Cov Rooj Sib Hais thiab Kev Txiaiv Txim Dua) (DHA).

Thov kev txiav txim dua hauv Division of Hearings and Appeals (Fab Tswj Xyuas Cov Rooj Sib Hais thiab Kev Txiaiv Txim Dua)

Cov SSC yuav tsum tau muab cov ncauj lus qhia rau koj txog koj txoj cai thov kev txiav txim dua. **Koj yeej thov kev txiav txim dua tau rau txhua qhov laj thawj**, xws li thaum:

- Txiaiv txim pom tias tus me nyuam tsis tsim nyog tau kev pab los sis plam txoj kev tsim nyog tau kev pab.
- Tsis kam muab cov kev pab.
- Txo tsawg cov kev pab uas thov txog.
- Tsis pom zoo rau koj lub tsev neeg tus neeg muab kev pab.

Yog koj xav tias koj yuav tsum tau txais cov ncauj lus no thiab tsis tau txais, thov nug tus SSC. Xav paub ntxiv txog cov kev thov txiav txim dua, mus rau www.dhs.wisconsin.gov/clts/waiver/family/index.htm thiab rub rov hauv ntawm ntu “Your Rights and How to Appeal (Koj Cov Cai thiab Kev Thov Txiaiv Txim Dua Li Cas)”.

Yog xav zwm ntawv thov kev txiav txim dua mus rau doa.wi.gov/Pages/LicensesHearings/DHAWorkandFamilyServicesUnit.aspx.

Yuav tsis saib txoj kev zwm ntawv thov kev txiav txim dua ua txoj kev tsis zoo. Nws yog ib txoj kev daws cov kev sib txawv. ❖

Rov Qab Mus Kawm Ntawv Thaum Muaj COVID-19: Cov Tswv Yim Pab Kom Koj Npaj Txhij

Cov me nyuam yuav muaj cov lus nug los sis kev txhawj xeeb txog kev rov qab mus kawm ntawv thaum muaj tus kab mob kis thoob ntiaj teb COVID-19. Nyob ua ke nrog cov neeg uas lawv tsis nyob ib yig nrog yuav ua rau koj tus me nyuam ntshai thiab ntxhov siab. Kev rov qab mus kawm ntawv lub xyoo no yog ib yam hloov loj, thiab nws yuav pab yog siv sij hawm los sib tham txog thiab npaj ua ntej. Ntawm no yog qee cov tswv yim.

Mloog Tus Me Nyuam Hais

Xub thawj, nug tus me nyuam txog tej kev ntshai los sis kev txhawj xeeb uas lawv muaj. Siv tej ncauj lus thiab tswv yim muaj tseeb los teb cov lus nug kom tus me nyuam nkag siab. Yog tias koj tsis paub tseeb lo lus teb, qhia rau tus me nyuam paub tias koj yuav mus tshawb nrhiav. Koj yuav nrhiav tau ncauj lus txog COVID-19 thiab kev txhawb tus me nyuam txoj kev puas siab ntsws puas hlwb ntawm Centers for Disease Control and Prevention (Cov Chaw Tswj thiab Tiv Thaiv Kab Mob) qhov vas sab ntawm www.cdc.gov/coronavirus/2019-ncov/daily-life-coping/parental-resource-kit/index.html.

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

Kev qhia txog tej koj tau ntsib yuav pab rau tus me nyuam cov kev txhawj. Piv txwv, qhia rau lawv txog yam uas tau pab koj rov qab mus ua hauj lwm los sis mus rau cov chaw muaj pej xeeb. Koj puav leej qhia tau rau tus me nyuam paub tias cov thawj cov kev kawm ntawv thiab nom tswv yuav pab ceev kom cov neeg kawm ntawv nyob nyab xeeb.

Cov Tswv Yim Kev Sib Tham Nrog Cov Me Nyuam Hnub Nyoo Sib Txawv

Cov me nyuam nquag nug cov lus sib txawv los sis xav tau cov ncauj lus sib txawv nyob ntawm lawv qib hnub nyoo. Ntawm no yog qee cov kev sib txawv ntawm cov qib hnub nyoo thiab koj yuav sib tham li cas nrog lawv:

- Cov me nyuam me xav paub kiag tias yuav zoo li cas.
 - Sib tham txog cov kev coj tshiab txhua hnub hauv tsev kawm ntawv, cov tes dej num thiab tib neeg yuav pom.
 - Tham txog cov kev cai ceev tsev kawm ntawv nyab xeeb thiab pab lawv xyaum. Yog koj tsis paub tseeb txog cov kev cai ceev tsev kawm ntawv nyab xeeb, hu cuag koj lub cheeb tsam tsev kawm ntawv.
- Cov me nyuam tsis tau no hluas nyiam nug cov ntsiab lus kom meej.
 - Piav qhia cov laj thawj rau cov kev hloov cov kev cai thiab cov kev coj hauv tsev kawm ntawv.
 - Pab kom lawv nkag siab qhov sib txawv ntawm cov ncauj lus muaj tseeb thiab cov lus paj lus cua.
- Cov neeg hluas nyiam kom lawv koom nrog cov kev txiav txim.
 - Coj lawv mus cuag cov chaw muaj cov ncauj lus tseeb.
 - Pab lawv teeb cov hom phiaj rau kev kawm ntawv thiab lub neej tom ntej.

Tsim Muaj Cov Sij Hawm thiab Kev Coj Txhua Hnub Tshiab rau lub Xyoo Kawm Ntawv

Cov kev coj txhua hnub yuav pab cov me nyuam siab tus thiab npaj txhij rau hnub ntawd. Yuav muaj feem tsis txhib lawv los sis tsis nco qab tej khoom yog tias koj:

- Npaj muaj cov kev coj txhua tag kis thiab txhua hmo rau tus me nyuam. Yuav tsum tau ua dab tsi tiav thiab ua qhov twg ua ntej ua qab? Teev kom txheeb txog yuav pab tau.
- Txiaiv txim seb yuav ua kom tiav cov ntawv coj los ua tom tsev rau thaum twg thiab qhov twg.
- Xyuas kom paub seb tus me nyuam yuav mus kawm ntawv thiab los tsev li cas thiab thaum twg.

Mus rau www.dhs.wisconsin.gov/library/p-02767.htm kom paub ntxiv txog kev rov qab mus kawm ntawv tom qab muaj COVID-19. ❖

Kev Txhaj Tshuaj Tiv Thaiv Kab Mob Tsis Tu Ncua Tseem Ceeb Rau Me Nyuam thiab Cov Neeg Hluas

Thaum muaj tus kab mob kis thoob ntiaj teb COVID-19, cov tsev neeg yeej nyob twj ywm hauv tsev kom nyab xeeb. Ntau cov neeg tau tsis mus cuag cov kev ntsuam xyuas kev noj qab haus huv. Vim yog li no, qee cov me nyuam thiaj tsis tau cov tshuaj txhaj tiv thaiv kab mob (puav leej yog hu ua “cov kev tiv thaiv nruab nrog cev”). Cov niam txiv thiab cov neeg zov

RAU KOJ NCAUJ LUS QHIA

Txhua tus muaj hnub nyoo 12 xyos thiab loj dua yeej mus txhaj tshuaj tiv thaiv COVID-19 dawb tau lawm. Mus xyuas www.dhs.wisconsin.gov/covid-19/vaccine-get.htm yog xav kawm kom paub ntxiv. Xav txhawb kom cov me nyuam muaj hnub nyoo 2 xyos thiab loj dua yuav tau muaj kev tiv thaiv ntxiv, xws li looj daim khwb ntsej muag. Kawm ntxiv txog DHS Cov Chaw Muaj Kev Pab Txog COVID-19 rau Cov Niam Txiv thiab Cov Neeg Saib Xyuas ntawm qhov vas sab: www.dhs.wisconsin.gov/covid-19/parents.htm.

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

tu yuav tau xyuas kom cov me nyuam txhaj txhij cov tshuaj tiv thaiv kab mob kom tiv thaiv tau qee cov kab mob. Cov kab mob no yuav huam tau loj heev, tuag taus, tshwj xeeb yog cov me nyuam me. Kev txhaj tshuaj tiv thaiv kab mob yog ib txoj kev zoo tshaj plaws los tiv thaiv cov me nyuam mos thiab me nyuam me ntawm cov kab mob no.

Cov Tshuaj Tiv Thaiv Kab Mob Rau Me Nyuam Mos thiab Me Nyuam Me

Txij li thaum yug txog thaum 24 lub hlis, cov me nyuam mos yuav tsum tau cov tshuaj txhaj tiv thaiv cov kab mob xws li kab mob siab B, ua qoob, hnoos qhuav qhawv, ua qhua pias, thiab ntau yam ntxiv. Koj kawm tau txog cov kev txhaj tshuaj tiv thaiv kab mob yooj yim dua rau cov me nyuam mos thiab me nyuam me ntawm www.cdc.gov/vaccines/parents/visit/less-stressful.html.

Cov Tshuaj Tiv Thaiv Kab Mob Rau Cov Me Nyuam Loj Dua thiab Cov Neeg Hluas

Cov me nyuam loj dua yuav tsum tau txhaj tshuaj tiv thaiv kab mob thiab tiv thaiv tau lawv ntawm txoj kev kis tau kab mob hauv tsev kawm ntawv. Nws tseem ceeb rau cov me nyuam loj dua thiab cov neeg hluas tau tshuaj txhaj tiv thaiv kab mob thiab li yuav tawm tsam tau cov kab mob uas tsim muaj tam sim no thiab rau yav tom ntej. Teem ib lub sij hawm nrog tus kws kho mob hnuv no kom paub tseeb tias lawv tau kev tiv thaiv ntawm cov kab mob uas tshuaj tiv thaiv tau. Kev qhia cov neeg hluas kom mus ntsuam xyuas kev noj qab haus huv tsis tu ncuu yuav pab tsim muaj cov cuj pwm noj qab haus huv rau lub neej!

Muaj cov tswv yim qhia txog kev txhaj tshuaj tiv thaiv kab mob kom txhob ntxhov siab heev rau cov neeg hluas ntawm www.chop.edu/centers-programs/vaccine-education-center/age-groups-and-vaccines/adolescents.

Tus Me Nyuam Yuav Tau Txhaj Cov Tshuaj Tiv Thaiv Kab Mob Twg?

Cov kws kho mob yuav taug qab txog cov tshuaj tiv thaiv kab mob uas tus me nyuam tau txhaj. Yog txog caij txhaj tshuaj tiv thaiv kab mob rau ib tug me nyuam, tus kws kho mob yuav tau ntsuam xyuas kev noj qab haus huv thaum teem sij hawm. Yog koj muaj tej lus nug txog cov tshuaj tiv thaiv kab mob uas tus me nyuam yuav tau muaj, nug tus kws kho mob. ❖

Cov Kev Ua Si thiab Lom Zem Dawb Nrog Cov Me Nyuam Lub Caij Nplooj Ntoos Zeeg No

Thaum caij ntuj so rais mus ua caij nplooj ntoos zeeg, koj yuav xav nrhiav tej yam txawv ua nrog cov me nyuam. Cov huab cua laj dua yuav zoo tawm mus nyob sab nraum zoov dua, tiam sis kev pib kawm ntawv txhais tau tias qee cov tsev neeg yuav muaj sij hawm khoom tsawg dua. Nyeem txog qee cov kev ua si uas sim ua thaum twg koj muaj cov "sij hawm ua ke."

- **Sau nplooj lwg ua pawg.** Tsis muaj ib yam dab tsi kaj siab tshaj cov cua laj ntxiag ntawm koj lub ntsej muag thiab ua hauj lwm ua ke nrog lub tsev neeg tu qab vag tsib taug. Qhov no muaj kev ua hauj lw, tiam sis nws yuav lom zem heev! Kaus nplooj lwg ua pawg, ces ua si nrog los sis ua si sib faus. Ua tas zog kom txhua tus qaug zog tag.



**TSEV NEEG YAV
CAIJ NPLOOJ
NTOOS ZEEG
LOM ZEM**

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

- **Tshawb kawm txog xeeb txawm nruab zoo.** Muaj ntau tsav yam hloov nyob rau sab nraum zoov thaum cov huab cua hloov. Koj puav leej muab los ua si bingo nrog daim ntawv muaj tej nruab zoo xws li cov txiv qhib, cov nplooj uas sib txawv xim, cov noog thiab cov nas ncuav. Koj yuav nrhiav tau cov ntawv bingo nyob rau saum huab cua los sis koj ua koj ib daim. Leej twg xub tau bingo ces yeej!
- **Tsim ua thiab zas ib daim ntawv loj** uas teev cov lo lus los sis lo cov duab txog tej yam ua koj lub tsev neeg zoo siab heev rau. Ua hauj lwm ua ke, siv cov cwj kob zas ntawv, cov cwj kob kua, cov hmoov ci ntsa, cov ntawv nplaum zoo nkauj, los sis cov duab txiav tawm ntawm cov phau ntawv tshaj xo los tsim ua ib yam tshwj xeeb.
- **Ci cov qhob noom marshmallow.** Muaj ib yam txog lub caij ntuj no uas ua rau qhov qhob noom no tshwj xeeb. Lwm zaus koj mus txog tom khw, muas ib co qhob noom marshmallow (thiab cov daim chocolate thiab cov ncuav graham cracker yog tias koj xav ci s'mores). Ces zaum ua ke ncig lub qhov cub rauv taws los sis rauv roj thiab muab cov qhob noom yaj nplaum no los ci—wv qab kawg! ❖

Cov Chaw Muaj Kev Pab rau Cov Tsev Neeg

Cov kev tu xyuas txoj kev puas siab ntsws puas hlwb thaum muaj COVID-19: children.wi.gov/Documents/COVID-19%20and%20Mental%20Health%203.18.20.pdf

Cov tswv yim tawm tsam cov kev hloov ntawm COVID-19 hauv tsev kawm ntawv:

children.wi.gov/Documents/ResearchData/OCMH%20Fact%20Sheet_April2021_Responding%20to%20COVID%20Changes%20at%20School.pdf

Cov tswv yim rov qab mus kawm ntawv nyab xeeb thaum muaj COVID-19 rau cov me nyuam uas muaj kab mob kev nkeeg nyuab:

www.healthykidsdane.org/reset

Cov ntawv xov xwm dhau los ntawm All in for Kids (Tag Nrho Rau Me Nyuam): Txoj Kev Pab CLTS:

www.dhs.wisconsin.gov/clts/waiver/family/index.htm (rub rov hauv mus rau ntu Cov Chaw Muaj Kev Pab)

KOOM PEB COV TAU TXAIS NTAWV EMAIL

Kom txais tau ceev dua, rau npe kom tau tsab ntawv xov xwm xa hauv tshuab hluav taws xob tuaj thiab lwm cov ntawv email txog Txoj Kev Pab CLTS. Mus rau public.govdelivery.com/accounts/WIDHS/subscriber/new?topic_id=WIDHS_554. Koj puav leej rau npe kom tau Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) lwm cov kev pab tu xyuas mus ntev cov ntawv email ntawm www.dhs.wisconsin.gov/dms/ltc-email-signup.htm.

Cov ncauj lus hauv tsab ntawv xov xwm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.



All in for Kids (Tag Nrho Rau Me Nyuam Xov Xwm): Txoj Kev Pab CLTS yog tsab ntawv xov xwm tshaj tawm los ntawm Wisconsin Department of Health Services (Tuam Tsev Tswj Xyuas Kev Noj Qab Haus Huv) rau cov me nyuam thiab cov tsev neeg nyob hauv Txoj Kev Pab CLTS.

Txoj Kev Pab CLTS muab Medicaid nyiaj txiag pab txhawb rau cov me nyuam uas muaj cov kev txwv txiav tsis taus loj heev vim yog txoj kev xeeb tsis meej, kev puas ib ce los yog cov kev puas hlwb puas siab ntsws uas nyob rau hauv tsev los yog hauv lub zej zog neeg. Siv tau cov nyiaj txiag mus txhawb ntau hom kev pab cuam raws li txoj kev ntsuas pom ntawm tus me nyuam thiab lub tsev neeg cov kev tu ncuab thiab cov hom phiaj los yog kev xav tau uas pom muaj. Xav paub ntxiv, mus xyuas www.dhs.wisconsin.gov/children/index.htm.

Para leer este boletín en español, visite www.dhs.wisconsin.gov/library/akids21.htm.

Xav nyeem tsab ntawv xov xwm no ua Lus Hmoob, mus xyuas www.dhs.wisconsin.gov/library/akids21.htm.

Rau lwm cov lus (繁體中文, 简体中文, Deutsch, العربية, русский, 한국어, Tiếng Việt, Deutsch, မာသာၵၢၵ, Français, Polski, हिंदी, Shqip, Tagalog, Soomaali): 608-266-8560.